

TERICINI UTAMA & SENSASI

By **Mohd Arshad** | 17/07/2022 | 0 | 270

Perkembangan pesat teknologi maklumat dan komunikasi mewujudkan dimensi baharu dunia perniagaan dikenali perniagaan digital.

Ikuti Mynewshub: Telegram

Perniagaan digital secara umum adalah sebarang transaksi perdagangan yang dijalankan menerusi teknologi internet.

Ia termasuk aktiviti pemberian maklumat promosi dan pengiklanan, pemasaran, pembekalan, penghantaran barang dan perkhidmatan.

Malaysia turut menyaksikan perkembangan pesat perniagaan digital dengan begitu banyak syarikat mahupun individu menyertainya.

Daripada sebesar item seperti kenderaan sehingga sekecil produk seperti pensil kini dijual dan dipasarkan secara dalam talian.

Kebanyakan syarikat sedia maklum perniagaan digital dikenakan cukai pendapatan berdasarkan Akta Cukai Pendapatan 1967.

Bagaimanapun sebilangan yang terlibat dalam perniagaan digital secara digital masih kurang peka tentang perkara itu.

Mungkin kerana mereka berpandangan perniagaan digital dilakukan secara maya, maka ia bukanlah sebuah perniagaan secara rasmi.

Pandangan itu silap kerana penetapan terhadap individu yang memiliki pendapatan melebihi nilai ambang adalah jelas.

Bagi pendapatan yang terakru atau terbit di Malaysia atau diterima di Malaysia dari luar Malaysia.

Menurut Lembaga Hasil Dalam Negeri Malaysia (LHDNM) cukai pendapatan yang dikenakan pada setiap tahun terhadap seseorang yang menerima pendapatan bersifat hasil seperti:

- a) Laba / keuntungan daripada sesuatu perniagaan;**
- b) Laba / keuntungan daripada penggajian;**
- c) Dividen, faedah atau diskaun;**
- d) Sewa, royalti atau premium;**
- e) Pencen, anuiti atau bayaran berkala lain; dan**
- f) Laba / keuntungan yang tidak termasuk dalam mana-mana butiran di atas**

Justeru, individu memperoleh pendapatan melebih nilai ambang daripada apa juu sumber yang diatas adalah layak dikenakan cukai.

Termasuk mereka yang bermiaga secara dalam talian. Nilai ambang bermaksud jumlah pendapatan yang layak dicukaikan.

Sebagai contoh kadar cukai bagi tahun taksiran 2021 adalah RM5,000 ke atas dan cukai ini adalah penting untuk negara.

Sebagaimana dinyatakan LHDNM pembayaran cukai perniagaan digital sama sahaja seperti perniagaan offline atau konvensional.

Peruntukkan kedua-dua jenis perniagaan itu tertakluk kepada Seksyen 4 Akta Cukai Pendapatan 1967.

Ia merujuk kepada pendapatan bagi sesuatu perniagaan yang layak dikenakan cukai pendapatan.

Bagaimanapun selepas mengambil kira semua perbelanjaan yang layak dibenarkan dalam perniagaan.

-Mynewshub